



O‘ZBEKISTON RESPUBLIKASI FARG‘ONA VILOYATI HOKIMINING QARORI

2025-yil 31-yanvar

55-11-0-Q/25

Farg‘ona viloyati hokimligi

O‘zbekiston Respublikasi Prezidentining 2024-yil 25-dekabrda O‘zbekiston Respublikasining “2025-yil uchun O‘zbekiston Respublikasining Davlat byudjeti to‘g‘risida”gi Qonuni ijrosini ta‘minlash chora-tadbirlari to‘g‘risida”gi PQ-455-sonli qarori ijrosini ta‘minlash to‘g‘risida

O‘zbekiston Respublikasi Prezidentining 2024-yil 25-dekabrda O‘zbekiston Respublikasining “2025-yil uchun O‘zbekiston Respublikasining Davlat byudjeti to‘g‘risida”gi Qonuni ijrosini ta‘minlash chora-tadbirlari to‘g‘risida”gi PQ-455-sonli qarori ijrosini ta‘minlash maqsadida

QAROR QILAMAN

1. O‘zbekiston Respublikasi Prezidentining 2024-yil 25-dekabrda O‘zbekiston Respublikasining “2025-yil uchun O‘zbekiston Respublikasining Davlat byudjeti to‘g‘risida”gi qonuni ijrosini ta‘minlash chora-tadbirlari to‘g‘risida”gi PQ-455-sonli qarori rahbarlik va ijro uchun qabul qilinsin.

2. O‘zbekiston Respublikasi Prezidentining mazkur qarori bilan:

2025-yilda ikkinchi darajali byudjet mablag‘larini taqsimlovchilarga ajratiladigan byudjet mablag‘larining cheklangan miqdorlari 1-ilovaga muvofiq;

2025-yil uchun O‘zbekiston Respublikasi respublika byudjeti, Qoraqalpog‘iston Respublikasi byudjeti, viloyatlar va Toshkent shahar mahalliy byudjetlari aylanma kassa mablag‘larining yo‘l qo‘yiladigan eng kam miqdorlari 2-ilovaga muvofiq;

2025-yil uchun O‘zbekiston Respublikasi Davlat byudjeti daromadlari prognozi 3-ilovaga muvofiq;

Foyda solig‘i to‘liqligicha O‘zbekiston Respublikasi respublika byudjetiga yo‘naltiriladigan yirik soliq to‘lovchilar ro‘yxati 4-ilovaga muvofiq;

Rentabellik darajasidan kelib chiqqan holda foyda solig‘i 5-ilovaga muvofiq;

tumanlar va shaharlar byudjetlarining xarajatlar qismi yo‘nalishlari 6-ilovaga muvofiq;

Birinchi darajali byudjet mablag'larini taqsimlovchilarning 2025-2027-yillar uchun byudjet mablag'laridan foydalanish bilan bog'liq maqsadli indikatorlari 7-ildovaga muvofiq tasdiqlanganligi;

O'zbekiston Respublikasi Prezidentining va O'zbekiston Respublikasi Hukumatining ayrim qarorlariga 8-ildovaga muvofiq o'zgartirish va qo'shimchalar kiritilganligi;

O'zbekiston Respublikasi Prezidentining va O'zbekiston Respublikasi Hukumatining ayrim qarorlari 2025-yil 1-yanvardan 9-ildovaga muvofiq o'z kuchini yo'qotganligi;

tegishli mahalliy byudjetlarga daromadlar prognozining oshirib bajarilgan qismi to'liq hajmda qoldiriladigan tegishli soliq turlari belgilanganligi;

2025-yilda ijtimoiy soliq tushumlarining bo'yicha 2024-yilda amal qilgan taqsimlash me'yorlari saqlab qolinganganligi;

Soliq qo'mitasining maxsus jamg'armasiga noruda qurilish materiallaridan yer qa'ridan foydalanganlik uchun soliq tushumining 3 foizi yo'naltirilishi belgilanganligi;

2025-yildan boshlab, Qoraqalpog'iston Respublikasining respublika byudjetiga, viloyatlarning viloyat byudjetlariga va Toshkent shahrining shahar byudjetiga hamda tumanlar va shaharlar mahalliy byudjetlariga davlat aktivlarini xususiylashtirishdan tushgan mablag'lar ularning qo'shimcha manbalari hisoblanishi va 2025-yilda maqsadli ravishda "Kambag'allikdan farovonlik sari" dasturini amalga oshirish uchun yo'naltirilishi belgilab qo'yilganligi;

davlat ishtirokidagi korxonalarga yetkazilgan zararni Davlat byudjetiga undirishda Iqtisodiyot va moliya vazirligi, Qoraqalpog'iston Respublikasi Iqtisodiyot va moliya vazirligi, viloyat iqtisodiyot va moliya bosh boshqarmalari sud va tergov jarayonida fuqaroviy da'vogar sifatida ishtirok etishga rozilik berilganligi ma'lumot uchun qabul qilinsin.

3. Viloyat hokimining moliya-iqtisodiyot va kambag'allikni qisqartirish masalalari bo'yicha birinchi o'rinbosari M.Ubaydullayev, Iqtisodiyot va moliya bosh boshqarmasi (Ro'zaliyev), Farg'ona viloyati Davlat soliq boshqarmasi boshqarmasi (Mamatxanov) tuman (shahar) hokimliklari bilan birgalikda 2025-yil mahalliy byudjeti uchun belgilangan ko'rsatkichlarni o'z vaqtida va samarali bajarilishini ta'minlash choralarini ko'rsin.

4. Farg'ona viloyati Davlat soliq boshqarmasi (Mamatxanov) shahar va tuman hokimliklari bilan birgalikda 2025-yil uchun belgilangan Farg'ona viloyati mahalliy byudjeti daromadlari prognoz ko'rsatkichlarini 1-ildovaga muvofiq to'liq bajarilishini ta'minlasin.

5. Iqtisodiyot va moliya bosh boshqarmasi (Ro'zaliyev) G'aznachilik xizmati boshqarmasi (G'oipov):

byudjetda ko'zda tutilgan xarajatlarni, shu jumladan, byudjet tashkilotlari xodimlarining ish haqi to'lovlarini o'z vaqtida va to'liq moliyalashtirilishini;

2025-yil uchun viloyat, shahar va tumanlar mahalliy byudjetlari aylanma kassa mablag'larining yo'l qo'yiladigan eng kam miqdorlarini 2-ilovaga muvofiq to'liq saqlanishini ta'minlasin.

6. Iqtisodiyot va moliya bosh boshqarmasi (Ro'zaliyev), barcha tuman va shahar hokimliklari hamda hududiy byudjet mablag'lari taqsimlovchilar **“tejamkorlik va barqarorlikni ta'minlash”** tamoyili asosida byudjet mablag'larini tejash va samaradorligini oshirish bo'yicha barcha zaruriy choralarni ko'rish;

byudjet tashkilotlari va byudjet mablag'lari oluvchilarning xarajatlar smetalari hamda shtat jadvallarini, byudjet mablag'larini taqsimlovchilarning jamlanma xarajatlar smetalari va shtat jadvallarini tasdiqlash joriy moliya yilining 20-yanvaridan kechiktirmay hamda belgilangan tartibda iqtisodiyot va moliya organlarida ro'yxatdan o'tkazish joriy yil 25-yanvargacha amalga oshirilishini;

byudjet tashkilotlarining va byudjet mablag'lari oluvchilarning vaqtinchalik xarajatlar smetalari yanvar oyi uchun tuzilishini;

davlat maqsadli jamg'armalari, belgilangan tartibda tashkil etilgan boshqa jamg'armalar, byudjet tashkilotlarining byudjetdan tashqari jamg'armalarining daromadlar va xarajatlar smetalari hamda shtat jadvallari joriy moliya yilining 20-yanvaridan kechiktirmay hamda iqtisodiyot va moliya organlarida joriy yil 25-yanvargacha belgilangan tartibda ro'yxatdan o'tkazilishini ta'minlasin.

Shuningdek, byudjet xarajatlari parametrlarini shakllantirishda ish haqi va unga tenglashtirilgan to'lovlar, oziq-ovqat mahsulotlari va doridarmon vositalarini sotib olish, shuningdek, kommunal xizmatlar xarajatlaridan mablag'lar yetishmovchiligiga yo'l qo'yilishini;

mahalliy byudjet va uning qo'shimcha manbalari hisobidan normativhuquqiy asosi bo'lmagan qo'shimcha shtat birliklari saqlanishini;

moliyalashtirish manbai aniq bo'lmagan tadbirlarni amalga oshirilishini oldinini olish vazifasi yuklatilsin.

7. Mazkur qaror ijrosini nazorat qilishni o'z zimnamda qoldiraman.

Viloyat hokimi



X. Bozarov

Farg‘ona viloyat hokimining
2025-yil 31-yanvardagi
55-11-0-Q/25-son qaroriga
1-ilova

**Farg‘ona viloyatining viloyat mahalliy byudjetining daromadlarining
2025-yildagi asosiy prognoz ko‘rsatkichlari**

ming so‘mda

T/R	Daromad turlari	Jami
JAMI		6 027 551 500,0
1	Yuridik shaxslardan olinadigan foyda solig‘i	511 029 000,0
2	Aylanmadan olinadigan soliq	285 784 000,0
3	Jismoniy shaxslardan olinadigan daromad solig‘i	2 659 890 000,0
4	Yakka tartibdagi tadbirkorlar uchun jismoniy shaxslardan olinadigan daromad solig‘i	47 634 000,0
5	Aksiz solig‘i jami	605 742 500,0
	<i>Alkogol mahsulotlari (pivodan tashqari)</i>	<i>39 697 500,0</i>
	<i>Byenzin, dizel yoqilg‘isi va gazni oxirgi iste‘molchiga realizatsiya qilishda to‘lanadigan aksiz solig‘i</i>	<i>566 045 000,0</i>
6	Yuridik shaxslarning mol-mulkiga solinadigan soliq	280 701 000,0
7	Jismoniy shaxslardan olinadigan mol-mulk solig‘i	250 687 000,0
8	Yuridik shaxslardan olinadigan yer solig‘i	383 808 000,0
9	Jismoniy shaxslardan olinadigan yer solig‘i	348 812 000,0
10	Qurilish materiallari bo‘yicha yer qa‘ridan foydalanganlik uchun soliq	34 127 000,0
11	Suv resurslaridan foydalanganlik uchun soliq	99 853 000,0
12	Davlat ulushi bo‘yicha dividendlar va davlat korxonalari foydasidan ajratmalar	1 487 000,0
13	Davlat boji	225 653 000,0
14	Yig‘imlar	114 964 000,0
15	Jarimalar	170 574 000,0

16	Davlat mulki bo'yicha ijara to'lovlari	6 806 000,0
----	----------------------------------------	-------------

Fargʻona viloyat hokimining
2025-yil 31-yanvardagi
55-11-0-Q/25-son qaroriga
2-ilova

**2025-yilda viloyat, shahar va tumanlar mahalliy byudjetlarida aylanma kassa
mablagʻlarining yoʻl qoʻyiladigan eng kam miqdori**

ming soʻmda

T/r	Hudud nomi	Miqdori
x	JAMI	30 000 000,0
x	<i>shundan</i>	
1	Viloyat byudjeti	12 200 000,0
2	Fargʻona shahar	2 485 000,0
3	Qoʻqon shahar	2 063 000,0
4	Quvasoy shahar	770 000,0
5	Margilon shahar	1 562 000,0
6	Oltiariq tumani	913 000,0
7	Bogʻdod tumani	809 000,0
8	Buvayda tumani	739 000,0
9	Beshariq tumani	779 000,0
10	Quva tumani	1 018 000,0
11	Uchkoʻprik tumani	755 000,0
12	Rishton tumani	799 000,0
13	Soʻx tumani	243 000,0
14	Toshloq tumani	822 000,0
15	Oʻzbekiston tumani	787 000,0
16	Fargʻona tumani	851 000,0
17	Dangʻara tumani	715 000,0
18	Furqat tumani	462 000,0
19	Yozyovon tumani	471 000,0
20	Qoʻsh tepa tumani	757 000,0

